



Klub poslanika SBB – Fahrudin Radončić

Sarajevo, 25.3.2015. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r gosp. Šefik Džaferović, predsjedavajući

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:		25-03-2015		9,45
Organizaciona jedinica	Klasifikaciona oznaka	Redni broj	Broj priloga	
01-	50-1	429	15	

Predmet: Prijedlog tačke dnevnog reda

Na osnovu člana 71. (1) Poslovnika Predstavničkog doma Parlamentarne skupštine BiH, a u skladu sa članom 183. Poslovnika, predlažemo novu tačku Dnevnog reda za 9. sjednicu Predstavničkog doma:

„Prijedlog zaključka o upućivanju zahtjeva Predsjedništvu BiH da Dom obavijesti o pitanjima vezanim za Prijedlog ugovora o državnoj granici između Bosne i Hercegovine i Crne Gore“

Prilog: Prijedlog zaključka sa obrazloženjem

Poslanici SBB:

Mirsad Donlagić

Mirsad Isaković

Fehim Škaljić

Damir Arnaut

PRIJEDLOG

Na osnovu člana 169. Poslovnika Predstavničkog doma Parlamentarne skupštine BiH, a u skladu sa članom 183.(1) i (2) Poslovnika, Predstavnički dom na svojoj 9. sjednici održanoj 25. marta 2015. godine, usvojio je:

ZAKLJUČAK

**O UPUĆIVANJU ZAHTJEVA PREDSEDNIŠTVU BIH DA DOM OBAVIJESTI O
PITANJIMA VEZANIM ZA PRIJEDLOG UGOVORA O DRŽAVNOJ GRANICI IZMEĐU
BOSNE I HERCEGOVINE I CRNE GORE**

Član 1.

Traži se od Predsjedništva Bosne i Hercegovine da na idućoj sjednici Doma iznese svoje stavove o Prijedlogu ugovora o državnoj granici između Bosne i Hercegovine i Crne Gore i da Dom obavijesti o trenutnom statusu tog Prijedloga ugovora.

Član 2.

Traži se od Predsjedništva Bosne i Hercegovine da prije održavanja sjednice dostavi izvještaj u pisanoj formi, kao i tekst navedenog Prijedloga ugovora.

OBRAZLOŽENJE

I. Pravni osnov

Poslovnik Predstavničkog doma Parlamentarne skupštine BiH omogućava Domu da bude informisan o pitanjima iz nadležnosti Predsjedništva BiH.

Konkretno, član 183.(1) i (2) Poslovnika preciziraju:

“(1) Na zahtjev Doma, ili na svoj zahtjev, Predsjedništvo BiH na sjednici Doma iznosi stavove i obavještava Dom o pitanjima iz svoje nadležnosti”.

“(2) Dom može zatražiti od Predsjedništva BiH da prije održavanja sjednice dostavi izvještaj u pisanoj formi”.

Kako je prema članu V.3.a) Ustava Bosne i Hercegovine Predsjedništvo nadležno za „Vodenje vanjske politike“, a prema članu V.3.d) Ustava BiH za „Vodenje pregovora za zaključenje međunarodnih ugovora Bosne i Hercegovine, otkazivanje i, uz suglasnost Parlamentarne skupštine, ratifikovanje takvih ugovora”, kao i da potonja nadležnost proizilazi i iz Zakona o postupku zaključivanja i izvršavanja međunarodnih ugovora BiH, nesporno je da je Prijedlog ugovora o državnoj granici između Bosne i Hercegovine i Crne Gore pitanje iz nadležnosti Predsjedništva BiH, te da stoga postoje uslovi za upućivanje zahtjeva u skladu sa članom 183. Poslovnika.

II. Razlozi za donošenje Zaključka

Vijeće ministara BiH je na svojoj 111. sjednici, održanoj 6.11.2014. godine, utvrdilo Prijedlog ugovora o državnoj granici između Bosne i Hercegovine i Crne Gore, te ga je putem Ministarstva civilnih poslova BiH dostavilo Predsjedništvu BiH u daljnju proceduru. Iako je od toga prošlo više od četiri mjeseca, ne postoje indicije da je Predsjedništvo BiH poduzelo bilo kakve dalje radnje po ovom pitanju.

Ovaj Zaključak je potreban zbog važnosti ovog pitanja za međunarodne odnose Bosne i Hercegovine, uključujući odnose sa susjednim zemljama, sa državama članicama Evropske unije i NATO saveza, te za ukupan Euroatlanski put Bosne i Hercegovine, kao i potrebu da se izbjegne opterećavanje tih odnosa kroz nejasnoće i neizvjesnosti izazvane Prijedlogom rezolucije o Sutorini, te posebno uzimajući u obzir Ustavom i zakonom propisane obaveze i nadležnosti Predsjedništva BiH u domenu međunarodnih ugovora.